

Los indefinios.

Los indefinios son palabras qu'espresan cantidá ou existencia de xeitu imprecisu.

Las suas funciones.

Los indefinios pueden desempeñar, dientru del sintagma nominal, distintas funciones:

- **Ditriminante** cuando van delante del sustantivu: **Deillos amigos.**
- **Compimentu** cuando van darréu: **Una rellación cualesquiera.**
- **Núcleu** cuando sustitúyenlu: **Dalgunos son responsables.**

Dalgunos indefinios presentan varianza de xéneru y número: **Abondu/abonda/abondos/abondas**, outros únicamente de número gramatical: **bastante/bastantes** ou son invariables: **Ca.**

Dende'l puntu de vista sintáuticu, dalgunos indefinios rïalizan la función morfosintáutica d'un sustantivu: **Naide** ou d'un axetivo: **Deillos**, pudiendo dire delante ou darréu del sintagma nominal: **Hai abondu pan/Hai pan abondu**. Los axetivos indefinios pueden almitire ou esixire artículos: **La mesma hestoria/La hestoria mesma** ou non: **Dalgunas cousas** y tamién llegare a combinase ente eillos: **Outros poucos.**

Clasificación de los Indefinios.

Indefinios cuantificadores: El seu sinificáu yé cuantitativu.

Pueden tenere un furrulamientu propiu d'un axetivo ou sustantivu. Esti sinificáu **cuantitativu** puede espresalu de xeitu **ausolutu ou rellativu**.

- **Indefinios cuantificadores ausolutos:** Espresan una cantidá ne diversos graos:

Dende'l másimu ([tou/toda/toos/todas](#))

al mínimu ([poucu/pouca/poucos/poucas](#))

Estos son dalgunos indefinios cuantificadores ausolutos:

- [Abondu/abonda/abondos/abondas](#)
- [Bastante/bastantes](#)
- [Demasiáu/demasiada/demasiaos/demasiadas](#)
- [Mueitu/mueita/mueitos/mueitas](#)
- [Muitu/muita/muitos/muitas](#)
- [Poucu/pouca/poucos/poucas](#)
- [Tou/toda/toos/todas](#)

- **Indefinios cuantificadores rellativos:** Espresan una rellación ou comparanza.

- Rellación de superioridá: [Más](#).
- Rellación d'inferioridá: [Menos](#)
- Rellación d'igualdá: [Tantu/tanta/tantos/tantas](#).

Indefinios existenciales: Indican existencia de seres magar de xeitu difusu.

- [Ún/unu/un/una/unos/unas](#)
- [Dalgún/dalgunu/dalguna/dalgunos/dalgunas](#)
- [Nengún/nengunu/nenguna/nengunos/nengunas](#)
- [Dalgien/dalgu](#)
- [Dengún/dengunu/denguna/dengunos/dengunas](#)
- [Naide/na](#)
- [Cualquier/cualesquier/cualquiera/cualesquiera](#)
- [Ca](#)

Hai que riparare que cuandu un indefiníu negativu va darréu del verbu fácese menesterousa la nnegación nun: [Nun hai dengún](#)

nela casa. Pero si l'endefiníu nnegativu va delante del verbu, non: **Dengún hai nela casa.**

Ún/una pueden utilizase pa referise al propiu falante cun ciertu conteníu impresonal: **Ún nun sabe pa onde mirare.**

Indefinios identificadores. Tienen la función d'identificare presonas ou oxetos de la realidá.

- Mesmu/mesma/mesmos/mesmas
- Outru/outra/outro/outros/outras
- Demás
- Tal/tala/tales
- Entrambos/entrambas
- Dambos/dambas